



Ruj. Kami : KPM.BPSM.S.500-4/7/125 Jld.4 (34)
Tarikh : 6 Januari 2026

Seperti senarai edaran

YBhg. Datuk/ Tuan/ Puan,

URUSAN PEMANGKUAN PEGAWAI PERKHIDMATAN PENDIDIKAN (PPP) SEBAGAI GURU BESAR EX-PPPLD DARI GRED DG9 KE GRED DG10 BAGI TAHUN 2026

Dengan hormatnya saya merujuk perkara di atas.

2. Dimaklumkan bahawa Kementerian Pendidikan akan melaksanakan urusan pemangkuan Guru Besar Ex-PPPLD **Gred DG9 ke Gred DG10** bagi tahun 2026. Sehubungan dengan itu, semua Ketua Jabatan adalah dimohon untuk mengenal pasti Guru Besar yang telah memenuhi syarat-syarat pemangkuan dan seterusnya memperakukan pegawai-pegawai tersebut untuk pertimbangan Lembaga Kenaikan Pangkat Perkhidmatan Pendidikan (LKPPP).
3. Pegawai-pegawai yang layak dipertimbangkan dalam urusan pemangkuan hendaklah memenuhi syarat umum dan syarat khusus urusan pemangkuan seperti di bawah:

3.1 Syarat-syarat Umum

- 3.1.1 Telah disahkan dalam perkhidmatan dan pelantikan di **Gred DG41/DG9** atau telah dinaikkan pangkat ke **Gred DG42/DG9**;
- 3.1.2 Mencapai wajaran markah minimum **keseluruhan** bagi Laporan Nilain Prestasi Tahunan (LNPT)/ Penilaian Bersepadu Pegawai Perkhidmatan Pendidikan (PBPPP) sekurang-kurangnya **85%** bagi **tiga (3) tahun terakhir** (2022, 2023 dan 2024) dengan markah LNPT/PBPPP bagi tahun terakhir (2024) hendaklah mencapai sekurang-kurangnya 85%;
- 3.1.3 Bebas daripada tindakan tatatertib;
- 3.1.4 Telah mengisytiharkan harta dalam tempoh 5 tahun terkini (pada atau sebelum **28.02.2026**);

- 3.1.5 Lulus tapisan keutuhan SPRM;
- 3.1.6 Bebas daripada senarai Peminjam Tegar Institusi Pinjaman Pendidikan; dan
- 3.1.7 Diperakukan oleh Ketua Jabatan.

3.2 Syarat-syarat Khusus

- 3.2.1 Calon adalah dahulunya **seorang PPPLD yang menyandang jawatan Guru Besar** di Gred DG6/DG7 (Gred SSM - DG32/DG34/DG38) **TERLEBIH DAHULU SEBELUM DILANTIK** sebagai PPP Gred DG9 (Gred SSM – DG41/DG42) serta terus menyandang jawatan Guru Besar di sekolah rendah di atas Gred DG9;

DAN;

- 3.2.2 Calon hendaklah menyandang jawatan Guru Besar **sekurang-kurangnya tiga (3) tahun di Gred DG9 sebelum atau pada 01.01.2026** dan masih terus menyandang jawatan Guru Besar di sekolah rendah semasa urusan pemangkuan dilaksanakan.

4. Untuk makluman, permohonan **hendaklah dibuat melalui Sistem ePangkat. Permohonan** yang dikemukakan ke Bahagian Pengurusan Sumber Manusia (BPSM) **secara luar talian tidak akan dipertimbangkan. Panduan Permohonan** adalah seperti di **Lampiran A**.

5. Bagi Guru Besar yang **telah diperakukan kenaikan pangkat** ke Gred DG10 (KUP) secara **TBBK Ex-PPPLD** pada **Tahun 2025 dan sebelumnya** adalah **TIDAK DIBENARKAN** memohon urusan pemangkuan Laluan Khas ini memandangkan tarikh kenaikan pangkat pegawai secara TBBK Ex-PPPLD adalah lebih awal. Oleh itu, **Ketua Jabatan hendaklah memperakukan** pegawai-pegawai ini untuk urusan kenaikan pangkat secara TBBK Ex-PPPLD tertakluk kepada iklan yang akan dibuka.

6. Semua Ketua Jabatan diminta **menyemak dengan teliti Buku Perkhidmatan Kerajaan (BPK)** pegawai dan memastikan tiada maklumat yang tertinggal ataupun berlaku sebarang kesilapan fakta yang boleh menyebabkan berlaku kesilapan dalam urusan pemangkuan pegawai. **Ketua Jabatan adalah bertanggungjawab** sekiranya berlaku kes-kes yang tertinggal, kelewatan dalam mengemukakan perakuan pegawai ataupun sebarang kesilapan maklumat. Selain itu, diingatkan juga kepada semua Ketua Jabatan bahawa semua maklumat

perkhidmatan pegawai-pegawai yang layak hendaklah dikemas kini dalam ePangkat untuk memastikan kelancaran urusan pemangkuan ini dilaksanakan. Salinan halaman dalam Buku Perkhidmatan Kerajaan (BKP) yang perlu dimuat naik ke dalam sistem ePangkat adalah seperti berikut:

- i. Halaman kenyataan Lantikan Tetap DG9 (Gred SSM – DG41/DG42) dan Pengesahan dalam Perkhidmatan bagi DG41/DG9 oleh Suruhanjaya Perkhidmatan Pendidikan (SPP);
- ii. Halaman kenyataan pelantikan sebagai Guru Besar Ex-PPPLD dan;
- iii. Halaman kenyataan perkhidmatan yang terkini.

7. Semua Ketua Jabatan juga diminta untuk **MEMAKLUMKAN** kepada calon-calon mengenai perkara berikut:

- i. **Urusan kenaikan pangkat Guru Besar Ex-PPPLD ke Gred DG10 TELAH MENGAMBIL KIRA PENGALAMAN PEGAWAI SEMASA DI PPPLD** berdasarkan keputusan Mesyuarat Lembaga Kenaikan Pangkat Perkhidmatan Pendidikan (LKPPP) Bil. 2 Tahun 2013 bertarikh 4 April 2013 yang telah bersetuju untuk **menolak** permohonan Guru Besar Ex-PPPLD untuk mengguna pakai pengalaman sebagai PPPLD dalam urusan kenaikan pangkat secara TBBK Ex-PPPLD ke Gred DG48;
- ii. **Tarikh kuat kuasa pemangkuan bagi urusan ini adalah tertakluk kepada keputusan Lembaga Kenaikan Pangkat Perkhidmatan Pendidikan (LKPPP) dan BUKANNYA pada TARIKH GENAP 3 TAHUN PERKHIDMATAN PEGAWAI DI GRED DG9;** dan
- iii. Lembaga Kenaikan Pangkat Perkhidmatan Awam (LKPPA) Bil. 2 Tahun 2015 pada 17 Februari 2015 telah memutuskan bahawa penetapan **tarikh kenaikan pangkat adalah MULAI SEHARI SELEPAS TEMPOH PEMANGKUAN SELAMA SATU (1) TAHUN** bagi Kumpulan **Pengurusan Tertinggi dan Pengurusan Profesional**.
- iv. Siaran iklan ini merupakan **urusan terakhir** bagi pelaksanaan urusan pemangkuan Guru Besar Ex-PPPLD **Gred DG9 ke Gred DG10. URUSAN INI TIDAK AKAN DILAKSANAKAN LAGI BERMULA TAHUN 2027.**

8. Sebarang pertanyaan mengenai perkara ini bolehlah dirujuk dengan Unit Pengurusan Bakat di Bahagian/ Jabatan Pendidikan Negeri masing-masing. Tarikh tutup iklan bagi peringkat **calon** adalah pada **31 Januari 2026**, peringkat **PPD/ JPN/ Bahagian** pada **15 Februari 2026** dan peringkat **Pengarah JPN/ Bahagian** pada **28 Februari 2026** (Rujuk Lampiran B).


9. Kerjasama YBhg. Datuk/ Tuan/ Puan dalam hal ini adalah amat dihargai dan didahului dengan ucapan terima kasih.

Sekian.

"MALAYSIA MADANI"

"BERKHIDMAT UNTUK NEGARA"

Saya yang menjalankan amanah,


(SAFIDA ZALMA BINTI MOHD PIAH)

Setiausaha Bahagian

Bahagian Pengurusan Sumber Manusia

b.p. Ketua Setiausaha

Kementerian Pendidikan

SENARAI EDARAN

Pengarah Bahagian Pendidikan Khas

Pengarah Bahagian Pendidikan Islam

Pengarah Bahagian Pengurusan Sekolah Harian

Semua Pengarah Pendidikan Negeri

LAMPIRAN B

**CARTA ALIR PERMOHONAN* BAGI URUSAN PEMANGKUAN GURU BESAR
PPP GRED DG9 KE GRED DG10 BAGI TAHUN 2026**

<u>Perkara</u>	<u>Tindakan</u>	<u>Tempoh Pelaksanaan</u>
Penyiaran iklan melalui sistem ePangkat/ laman sesawang KPM.	BPSM/ BPM	6 Januari 2026 (Selasa)
Semakan maklumat, pengemaskinian** dan permohonan calon melalui sistem ePangkat.	PPD/ JPN/ Bahagian Guru Besar Ex-PPPLD (Calon)	6 Januari 2026 (Selasa) – 31 Januari 2026 (Sabtu)
Semakan dan perakuan oleh PPD/ JPN/ Bahagian. (Peringkat PGB/ KJ)	PPD/ JPN/ Bahagian	1 Februari 2026 (Ahad) – 15 Februari 2026 (Ahad)
Semakan dan perakuan oleh JPN/ Bahagian. (Peringkat Bahagian/ JPN)	JPN/ Bahagian	16 Februari 2026 (Isnin) – 28 Februari 2026 (Sabtu)

***Semua proses di atas adalah secara dalam talian.**

****Pengemaskinian hanya boleh dilakukan oleh PPD selaku Ketua Jabatan. Sekiranya calon merupakan Guru Besar di sekolah yang berada di Bahagian atau yang tidak mempunyai PPD, maka pengemaskinian akan dibuat oleh Bahagian/ JPN berkenaan selaku Ketua Jabatan.**